



**АКАФИСТ  
СЛАДЧАЙШЕМУ ГОСПОДУ НАШЕМУ  
ИИСУСУ ХРИСТУ<sup>1</sup>**

***Кондак 1***

**Возбрáнный Воевóдо и Гóсподи,  
áда победителю, я́ко избáвься от  
вѣчныя смѣрти, похвáльная воспи-  
сúю Ти, создáние и раб Твой; но я́ко  
имѣяй милосѣрдие неизречѣнное, от  
всяких мя бед свободи́, зовúща:  
Иисúсе, Сы́не Бóжий, помилуй мя.**

***Икос 1***

**Ангелов Твóрче и Гóсподи сил, от-  
вѣрзи ми недоумѣнный ум и язык на  
похвалу́ пречи́стаго Твоего́ и́мене,**

---

<sup>1</sup> Текст Акафиста печатается по изданию: Православный молитвослов. Молитвы на всякую потребу. – М.: Издательство Московского Подворья Свято-Троицкой Сергиевой Лавры, 2013, с. 60–69.

якоже глухому и гугнивому дрэвле слух и язык отвёрзл еси, и глаголаше зовыйи таковая: Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, царей укрепление. Иисусе прелюбимый, пророков исполнение; Иисусе предивный, мучеников крепосте. Иисусе претихий, монахов радости; Иисусе премилостивый, пресвитеров сладосте. Иисусе премилосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

### *Кондак 2*

Видя вдовицу зельне плачущу, Господи, якоже тогда умилосердився, сына ея на погребение не-

сѡма воскресил еси; сице и о мне  
умилосѣрдися, Человеколюбче, и  
грехми умерщвлѣнную мою дѹшу  
воскреси, зовѹщую: Аллилуѡа.

*Икос 2*

Разум неурзумѣнный разумѣти  
Филипп ища, Господи, покажи нам  
Отца, глаголаше; Ты же к нему: то-  
ликое время сый со Мною, не по-  
знал ли еси, яко Отец во Мне, и аз  
во Отце есмь? Тѣмже, неиз-  
слѣдованне, со страхом зовѹ Ти:  
Иисусе, Бѡже предвѣчный; Иисусе,  
Царю пресильный. Иисусе, Вла-  
дыко долготерпеливый; Иисусе,  
Спасе премилостивый. Иисусе, хра-  
нителю мой преблагий; Иисусе,  
очишти грехи моя. Иисусе, отыми  
беззакония моя; Иисусе, отпусти не-  
правды моя. Иисусе, надеждо моя,  
не остави мене; Иисусе, помощниче  
мой, не отри ни мене. Иисусе, Соз-

дателью мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

*Кондак 3*

Силою свыше апостолы облекий, Иисусе, во Иерусалиме сидящая, облещи и мене, обнаженного от всякаго благотворения, теплотою Духа Святаго Твоего и даждь ми с любовью пети Тебе: Аллилуиа.

*Икос 3*

Имеяй богатство милосердия, мытари и грешники, и неверных призвал еси, Иисусе; не презри и мене ныне, подобнаго им, но, яко многоценное миро, прими песнь сию: Иисусе, сило непобедимая; Иисусе, милосте безконечная. Иисусе, красото пресветлая; Иисусе, любы неизреченная. Иисусе, Сыне Бога Жи-

ваго; Иисусе, помилуй мя, грешнаго. Иисусе, услыши мя, в беззаконних зачатого; Иисусе, очисти мя, во гресех рождённаго. Иисусе, научи мя, непотребнаго; Иисусе, освети мя, тёмнаго. Иисусе, очисти мя, сквернаго; Иисусе, возведи мя, блуднаго. Иисусе, Сыне Божий, помилуй мя.

*Кондак 4*

Бүрю внутрь имей помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго и, руку спасения получив, рече: Аллилуиа.

*Икос 4*

Слыша слепый мимоходяща Тя, Господи, путем, вопияше: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твоею очи мыслен-

ныя сёрдца и менé, вопи́юща Ти и глаго́люща: Иисúсе, вы́шних Созда́телю; Иисúсе, ни́жних Иску́пителю. Иисúсе, преиспóдных потре́бителю; Иисúсе, всея́ тва́ри укра́сителю. Иисúсе, ду́шй моея́ утёши́телю; Иисúсе, ума́ моего́ просвети́телю. Иисúсе, сёрдца моего́ весéлие; Иисúсе, тéла моего́ здравие. Иисúсе, Спа́се мой, спаси́ мя; Иисúсе, све́те мой, просвети́ мя. Иисúсе, му́ки вся́кия избáви мя; Иисúсе, спаси́ мя, недостóйнаго. Иисúсе, Сы́не Бóжий, поми́луй мя.

#### *Кондак 5*

Боготóчною Крóвию́ я́коже иску́пил еси́ нас дрéвле от закóнных клятвы, Иисúсе, си́це изми́ нас от сéти, ё́юже змий запы́т ны страстьми́ плотскíми, и блúдным наваждéнием, и злым уны́нием, вопи́ющия Ти: Аллилу́иа.

***Икос 5***

**Видевше отроцы еврейстии во образе человечестем Создавшаго рукою человека, и Владыку разумевше Его, потщашася ветвymi угодити Ему, осанна вопиюще. Мы же песнь принесим Ти, глаголюще: Иисусе, Боже истинный; Иисусе, Сыне Давидов. Иисусе, Царю преславный; Иисусе, Агнче непорочный. Иисусе, Пастырю предивный; Иисусе, хранителю во младости моей. Иисусе, кормителю во юности моей; Иисусе, похвало в старости моей. Иисусе, надеждо в смерти моей; Иисусе, животe по смерти моей. Иисусе, утешение мое на суде Твоем; Иисусе, желание мое, не посрами мене тогда. Иисусе, Сыне Божий, помилуй мя.**





**жаждушаго. Иисусе, одѣждо весѣлія, одѣй мя, тлѣннаго; Иисусе, покрѣве радості, покрый мя, недостѣйнаго. Иисусе, подателю просящим, даждь ми плач за грехи моя; Иисусе, обрѣтение ищущим, обрящи душу мою. Иисусе, отвѣрзителю толкущим, отвѣрзи сердце мое окаянное; Иисусе, Искупителю грѣшных, очисти беззаконія моя. Иисусе, Сыне Божий, помилуй мя.**

*Кондак 7*

**Хотя сокровенную тайну от века открыти, яко овча на заколеніе веден был еси, Иисусе, и яко агнец прямо стригущаго его безгласен, и яко Бог из мертвых воскресл еси, и со славою на небеса вознеслся еси, и нас совоздвигл еси, зовущих: Аллилуиа.**



бо ра́ди Бог на зѣмлю снѣде, да нас  
на небеса́ возведѣт, вопи́ющих Ему:  
Аллилу́иа.

*Икос 8*

Весь бе в ни́жних, и вы́шних ни-  
ка́коже отступѣ Неисчѣтны́й, егда́  
вблею нас ра́ди пострада́, и смѣртию  
Своею нашу смерть умертви́, и вос-  
кресе́нием живѣт дарова́ пою́щим:  
Иисусе, сла́доте сердѣчная; Иисусе,  
крѣпосте телѣсная. Иисусе, свѣтлосте  
душѣвная; Иисусе, бы́строто́ умная.  
Иисусе, ра́доте со́вестная; Иисусе,  
наде́ждо извѣстная. Иисусе, па́мяте  
предвѣчная; Иисусе, похвало́ вы-  
со́кая. Иисусе, сла́во моя превозне-  
се́нная; Иисусе, желáние мое, не от-  
ри́ни мене́. Иисусе, Па́стырю мой,  
взыщи́ мене́; Иисусе, Спа́се мой,  
спаси́ мене́. Иисусе, Сы́не Бѣжий,  
помѣлуй мя.





**Иисусе, очисти мя по милости Твоей; Иисусе, отжени от мене уныние. Иисусе, просвети моя мысли сердечныя; Иисусе, даждь ми память смертную. Иисусе, Сыне Божий, помилуй мя.**

*Кондак 10*

**Спаси хотя мир, Восточе востоком, к темному западу, естеству нашему, пришед, смирился еси до смерти; темже превознесся имя Твое паче всякаго имени, и от всех колен небесных и земных слышиши: Аллилуиа.**

*Икос 10*

**Царю Превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую**

душу Закхеа мытаря, да вопиём Ти, во умилении зовуще: Иисусе, сокровище нетленное; Иисусе, богатство неистощимое. Иисусе, пища крепкая; Иисусе, питие неисчерпаемое. Иисусе, нищих одеяние; Иисусе, вдов заступление. Иисусе, сирых защитниче; Иисусе, труждающихся помощи. Иисусе, страных наставниче; Иисусе, плавающих кормчий. Иисусе, бурных отишие; Иисусе Боже, воздвигни мя, падшаго. Иисусе, Сыне Божий, помилуй мя.

### *Кондак 11*

Пение всеумиленное приношу Ти, недостойный, вопию Ти, яко хананеа: Иисусе, помилуй мя; не дочь бо, но плоть имам, страстьми люте бесящуюся и яростию палимую, и исцеление даждь вопиющу Ти: Аллилуиа.



### *Кондак 12*

Благодать подаждь ми, всех долгов решителю, Иисусе, и прими мя кающаяся, якоже приял еси Петра, отвергнувшись Тебе, и призви мя унывающего, якоже древле Павла, гоняща Тя, и услыши мя, вопиюща Ти: Аллилуиа.

### *Икос 12*

Поюще Твое вочеловечение, восхваляем Тя вси и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго стояния, вопиющаго: Иисусе, Царю предвечный, помилуй мя; Иисусе, цвёте благовонный, облагоухай мя. Иисусе, теплото любимая, огрей мя; Иисусе, храме предвечный, покрый мя. Иисусе, одяждо светлая, украси мя; Иисусе, бисере честный, осияй



мя. Иисусе, каменю драгий, просвети мя; Иисусе, солнце правды, освети мя. Иисусе, свете святей, облитай мя; Иисусе, болезни душевныя и телесныя избави мя. Иисусе, из руки сопротивныя изми мя; Иисусе, огня негасимаго и прочих вечных мук свободи мя. Иисусе, Сыне Божий, помилуй мя.

### *Кондак 13*

**О пресладкий и всецелый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплеменик, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилуиа.**

*Этот кондак читается трижды, затем 1-й икос: «Ангелов Творче...» и 1-й кондак: «Возбранный Воевода...».*



**Твоя праведники пестунствую. Таковáго и толикаго мно́гаго и неизреченнаго ли́ка Божественнаго в моли́тву привожду́ Тебе, всеще́дрому Бо́гу, раб Твой, и сего́ ра́ди прошу́ моим согрешением прощénия, е́же да́руй ми всех Твоих ради святых, изряднее же святых Твоих щедрот, я́ко благословен еси́ во ве́ки. Аминь.**

